



20 19 йил « 20 » 03

№ 08-135

« \_\_\_\_ » \_\_\_\_ 20 \_\_\_\_ год

**Ўзбекистон Республикаси Президентининг 2019 йил 15 мартдаги  
ПФ–5690-сон Фармони ижросини таъминлаш тўғрисида**

Ўзбекистон Республикаси Президентининг 2019 йил 15 мартдаги “Тадбиркорлик фаолиятини ҳимоя қилиш тизимини тубдан такомиллаштириш ва прокуратура органлари фаолиятини оптималлаштириш чора-тадбирлари тўғрисида”ги ПФ–5690-сон Фармони ижросини таъминлаш мақсадида

**Б У Ю Р А М А Н:**

1. Ўзбекистон Республикаси Президентининг 2019 йил 15 мартдаги ПФ–5690-сон Фармони ва Ўзбекистон Республикаси олий ва ўрта махсус таълим вазирининг 2019 йил 18 мартдаги 259-сон буйруғи маълумот ва ижро учун қабул қилинсин.

2. Фармон билан:

2019 йил 1 апрелдан тадбиркорлик субъектлари фаолиятида ўтказиладиган текширувларни мувофиқлаштириш ва назорат қилувчи органлар томонидан ўтказиладиган текширувларнинг қонунийлиги устидан назорат қилиш Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил (кейинги ўринларда – Тадбиркорларнинг ҳуқуқларини ҳимоя қилиш бўйича вакил) томонидан амалга оширилиши;


Ўзбекистон Республикаси Савдо-саноат палатаси назорат қилувчи органлар томонидан тадбиркорлик субъектлари фаолиятида ўтказиладиган текширувларнинг қонунийлиги устидан жамоатчилик назоратини амалга ошириш орқали Тадбиркорларнинг ҳуқуқларини ҳимоя қилиш бўйича вакилнинг тадбиркорлик субъектлари фаолиятида ўтказиладиган текширувларни мувофиқлаштириш соҳасидаги фаолиятини таъминлашда иштирок этиши;

Ўзбекистон Республикаси Бош прокуратураси ҳузуридаги Агросаноат мажмуи ва озиқ-овқат хавфсизлиги таъминланиши устидан назорат қилиш инспекцияси Ўзбекистон Республикаси Вазирлар Маҳкамаси ҳузуридаги Агросаноат мажмуи устидан назорат қилиш инспекцияси этиб қайта ташкил этилсин ва уни молиялаштиришнинг амалдаги тартибини сақлаб қолган ҳолда Ўзбекистон Республикаси Вазирлар Маҳкамаси тасарруфига ўтказилганлиги инобатга олинсин.

3. Бизнес ҳуқуқи кафедраси (Д.Қараходжаева) ва Давлат ҳуқуқ ва бошқаруви кафедраси (Б.Мусаев) кўрсатилган Фармондан ўқув жараёнида фойдаланиш бўйича зарур чораларни кўрсин.

4. Мазкур буйруқ ижросини назорат қилиш проректор М.Қамалов зиммасига юклансин.

Адлия вазири  
ўринбосари – ректор



Е.Қанъязов